

尚氏易學存稿校理 第二卷

尚秉和 遺稿

張善文 校理

焦氏易林注〔下〕

中國大百科全書出版社



尚氏易學存稿校理 第二卷

尚秉和遺稿

張善文校理

焦氏易林注〔下〕

中國大百科全書出版社



焦氏易林注目錄

焦氏易林注稿本、刻本書影

焦氏易林注校理述例 張善文 (1)

焦氏易林注敘 (1)

焦氏易林注例言 (3)

校勘記說例 (10)

易林逸象原本攷 (13)

讀注須知 (19)

卷一

乾之第一 (1)

坤之第二 (21)

屯之第三 (40)

蒙之第四 (61)

卷二

需之第五 (81)

訟之第六 (101)

師之第七 (120)

比之第八 (139)



卷三

小畜之第九	(159)
履之第十	(179)
泰之第十一	(197)
否之第十二	(213)

卷四

同人之第十三	(231)
大有之第十四	(248)
謙之第十五	(264)
豫之第十六	(279)

卷五

隨之第十七	(297)
蠱之第十八	(314)
臨之第十九	(332)
觀之第二十	(349)

卷六

噬嗑之第二十一	(367)
賁之第二十二	(385)
剝之第二十三	(401)
復之第二十四	(419)

卷七

无妄之第二十五	(437)
大畜之第二十六	(455)
頤之第二十七	(473)
大過之第二十八	(491)



卷八

- 坎之第二十九 (509)
離之第三十 (527)
咸之第三十一 (544)
恒之第三十二 (561)

卷九

- 遯之第三十三 (581)
大壯之第三十四 (600)
晉之第三十五 (620)
明夷之第三十六 (640)

卷十

- 家人之第三十七 (655)
睽之第三十八 (673)
蹇之第三十九 (691)
解之第四十 (709)

卷十一

- 損之第四十一 (725)
益之第四十二 (741)
夬之第四十三 (757)
姤之第四十四 (775)

卷十二

- 萃之第四十五 (793)
升之第四十六 (809)
困之第四十七 (826)
井之第四十八 (845)



卷十三

- 革之第四十九 (863)
 鼎之第五十 (880)
 震之第五十一 (899)
 艮之第五十二 (917)

卷十四

- 漸之第五十三 (937)
 歸妹之第五十四 (954)
 豐之第五十五 (970)
 旅之第五十六 (986)

卷十五

- 巽之第五十七 (1003)
 兌之第五十八 (1018)
 渙之第五十九 (1034)
 節之第六十 (1051)

卷十六

- 中孚之第六十一 (1067)
 小過之第六十二 (1083)
 既濟之第六十三 (1098)
 未濟之第六十四 (1114)

- 焦氏易林注跋 (1131)

焦氏易林注卷九

行唐尚秉和節之注

受業

蒲城作道益
豐潤董維城、維堃

校刊

遯之第三十三

遯

三塗五岳，陽城太室。神明所保，獨無兵革。

艮爲徑，納丙，數三，故曰三塗。艮爲山，互巽卦數五，故曰五岳。三塗、五岳、太室，皆山名。陽城，谷名。艮爲谷也。乾爲神明，爲保佑。乾數無，故曰獨無兵革。艮爲刀兵，爲膚革。○保，汲古作住。依宋、元本。

乾

軟弱無輔，不能自理。意在外野，心懷勞苦，雖憂不殆。

此用遇卦遯象。遯伏臨，上坤爲柔，故曰軟弱。坤爲野，爲心，爲憂苦。震往，故曰意在外野。坤爲萬物役，故曰勞。○不殆，宋、元本作無殆^[1]。依汲古。

坤

[1] “宋、元本作無殆”，刻本“殆”訛“但”。據稿本校改。



周成之隆，刑措無凶。太宰讚佑，君子作仁。

此仍用遇卦象。遯伏臨，震爲周，坤爲刑。震爲主，故曰太宰。艮爲君子，震爲仁。○太宰，汲古作大衆。依宋、元本。佑，元本作右。依宋本、汲古。太宰謂周公。

屯

穴有孤鳥，坎生蝦蟆。象去萬里，不可得捕。

艮爲穴，爲黔啄，爲鳥。坎孤，故曰穴有孤鳥。上坎，震爲生，伏巽爲蝦蟆。艮爲象，又爲鼻。象鼻最大，故取之。坤爲萬里。艮手爲捕，坤亡，故不可得捕。○孤，依宋、元本。汲古作狐。去，宋、元本作出。依汲古。

【補校】去，宋、元本作出。汲古作云。茲依何本、局本、翟本。

蒙

俱爲天門，雲過吾西。伯氏嫉妬，與我無恩。

艮坤皆居戌亥，故曰俱爲天門。坤爲吾，坎爲雲，位西，故曰雲過吾西。震爲伯。坎爲嫉妬，爲恩澤。坤爲我，坤虛，故無恩。○門，汲古作民。西作面。伯氏作治民。均依宋、元本。

【補校】門，宋、元、汲古諸本皆作民。惟汲古舊注云，一作門。茲依校。

需

三首六目，政多煩惑。臯陶瘖聾，亂不可從。

乾首，離卦數三，故曰三首。離目，坎數六，故曰六目。通晉。坤爲政，爲多；離爲煩，坎爲惑，故政多煩惑。艮爲臯，離火爲陶，坎耳坤閉，故曰臯陶瘖聾。離爲亂。震爲從，震覆，故不可從。○首，宋本作手。依元本。



【補校】首，依元本、汲古。

訟

德積不輕，辭王釣耕。三媒不已，大福來成。

通明夷。坤爲積，爲重，故曰不輕。震爲言，爲王，爲耕，故曰辭王釣耕。坎爲合，爲媒，震數三，故曰三媒。三媒，卽三聘。乾爲福，爲大，故曰大福。用伊、呂事。○辭王釣耕，汲古作辭出真心。依宋、元本、局本。

師

堅固相親，日篤無患。六體不易，執以安全。雨師駕西，濡我轂輪。張伯李季，各坐關門。

坎爲堅固。坤順，故相親。坤厚，故日篤。坎爲患，震樂，故無患。坤爲身體，坎數六，故曰六體。坤爲安全。坎爲雨師，位西，故曰雨師駕西。又爲輪轂，爲濡。震爲伯，爲張，爲李。遯艮爲季，爲坐。坤爲門，坤閉，故關門。○第二句，汲古作日用自完。執以作孰爲。坐作噬。均依宋、元本。

【補校】日，宋、元本作曰。依汲古。

比

方內不行，輻摧輪傷。馬楚踉蹌，受子閔時。

坤爲方，爲內。坎陷艮止，故不行。坎爲輪輻，坎破，故摧傷。震爲馬，震倒足向上，故踉蹌。坤爲受，艮爲時，坎爲閔。楚，不馴貌。受子，應爲壽子。桓十六年，衛朔搆急子。使於齊，將以盜殺諸塗。壽子閔其兄，乃自載其旌以行。○第三句，汲古作馬禁隄與。受作愛。均依宋、元本、局本。

小畜



畜牝無駒，養雞不雛。羣羊三歲，不生兩頭。

五陽畜一陰，故曰畜牝。震爲馬，震伏，故無駒。兌爲雞，兌折，故不雛。兌羊，乾爲歲，離卦數三，故曰三歲。二至上正覆兩兌^{〔1〕}，故曰羣羊。乾爲頭，兌卦數二，故曰兩頭。乾爲生，巽隕落，故不生。

履

老耄罷極，無取中直。懸輿致仕，得歸鄉國。

通謙。坤老，坎爲勞卦，故曰疲極。坎矯輮，故無取中直。艮手爲取。坤爲輿，在上，艮爲手，故曰懸輿。艮爲官，爲清高，故曰致仕。坤爲鄉國，震爲歸。○國，宋、元本作里。依汲古。

泰

縮緒亂絲，手與爲災。越畝逐兔，斷其禪襦。

巽爲繩，爲緒，爲絲。巽倒，故曰亂、縮。伏艮爲手，坤喪兌折，故曰爲災。坤爲畝。震爲兔，爲越，爲逐。坤震連體，故曰越畝逐兔。兌爲決斷。伏巽爲禪，震爲襦，皆裏衣也。○宋本災作哭。禪作禪。均依汲古。

【補校】宋、元本災作哭。禪作禪。

否

海老水乾，魚鰲蕭索。藁落無潤，獨有沙石。

坤爲海水，乾爲老，故曰海老水乾。巽爲魚，艮爲鰲，坤敝，故蕭索。巽爲藁，風散故藁落。艮爲沙石，故無潤。○蕭，宋、元本作盡。依汲古。藁，汲古作高。潤作潤。均依宋、元本。

同人

〔1〕 “二至上正覆兩兌”，刻本“兩”訛“雨”。據稿本校改。



入市求鹿，不見頭足。終日至夜，竟無所得。
中爻巽爲市，爲人，故曰入市。旁通師。師震爲鹿，坎爲大首。震爲足，坎伏，故不見頭足。離爲日，坎爲夜，故曰終日。坤喪坎失，故無所得。○頭，汲古訛頓。依宋、元本。

大有

築門壅戶，虎卧當道。驚我驂騮，不利出處。
乾爲門戶，乾實，故曰築、壅。乾爲道，兌虎在前，故曰當道。乾爲馬，故曰驂騮。乾在下，兌毀折，故不利出處。

謙

陶朱白圭，善賈息資。公子王孫，富貴不貧。
通履。乾爲朱，離火爲陶，故曰陶朱。乾爲玉，爲圭，巽白，故曰白圭。巽爲商賈，爲利，故能息資。本卦震爲公子，爲王。艮爲孫，爲貴。坤富，故不貧。

豫

王良善御，伯樂知馬。周旋步驟，行中規矩。止息有節，延命壽考。

震爲帝，爲王，艮爲賢良，故曰王良。震爲樂，爲伯，故曰伯樂。馬、御亦震象也。震爲周，爲旋，爲步驟，爲行。坎爲規，坤爲矩。艮爲止息，爲節，爲壽考。○節，汲古作前。依宋、元本。

隨

堯問尹壽，聖德增益。使民不懼，安無怵惕。

震爲帝，故曰堯。艮爲壽。新序，堯學乎尹壽。震爲言，故曰問。坎爲聖，震爲生，故曰聖德增益。坎爲民，爲怵惕^{〔1〕}。震樂艮

〔1〕“坎爲民，爲怵惕”，稿本“民”下多“爲懼”二字。



安，故不懼。○尹壽，宋、元本作伊舜。汲古作大舜。依歸妹之小畜校。翟云，小畜作尹爵，爵即壽之訛字。

【補校】怵，從汲古。宋、元本作悚。義同。

蠱

昭公失常，季氏悖狂。遜齊處鄆，喪其寵身。

互大離爲昭。艮爲常，在外故失常。坎爲失也。事見前。艮爲季，震爲狂。巽齊坎陷，故曰遜齊，曰處鄆。艮爲邑，故曰鄆。艮爲身，兌折，故喪。○遜，汲古作遊。依宋、元本。

臨

昏莫不行，候旦待明。復住止後，未得相從。

坤爲昏暮，震爲行，坤閉，故不行。伏艮止，故曰候，曰待。震爲旦，爲明，爲復，爲後。艮止故不從。左傳云，不行之謂臨。林義與左氏同。○復，宋、元作從。依汲古。

【補校】昏，宋本、汲古作昏。茲依元本。昏、昏同。第二句，宋、元本作候待旦明。依汲古。

觀

安上宜官，一日九遷。升擢超等，牧養常山。

艮爲官，爲安，在上卦，故曰安上宜官。艮爲日。伏乾，乾卦數一，又數九，艮官在上，故曰一日九遷。艮手爲擢，巽爲高，故曰超等。坤爲牧養。艮山，故曰常山。○上，汲古作止。依宋、元本。

噬嗑

去惡就凶，東西多訟，行者無功。

離爲惡人，坎爲凶，震往，故去惡就凶。離東坎西。初至四兩震言相對，故多訟。震爲行，坎失，故無功。



賁

老馬垂耳，不見百里。君子弗恃，商人莫取，無與爲市。

震爲馬，坎疾，故老。坎爲耳，在下，故曰垂耳。震爲百，艮爲里。坎隱，故不見。艮爲君子，震爲商人。艮手爲取，坎失故莫取。巽爲市，巽伏，故無與爲市。言馬老不能遠行，皆不顧也。

剝

蝸螺生子，深目黑醜。似類其母，雖或相就，衆人莫取。

艮爲蝸螺。爲觀，爲目，形長故曰深目。坤爲黑，爲醜。爲母，爲近，故曰似類其母。坤爲衆，艮手爲取，以其醜故莫取。○蝸，汲古作蟻。目作自。依宋、元本。

復

百足俱行，相輔爲彊。三聖翼事，王室寵光。

百足，蟲名。震爲足，爲百，爲行，爲彊。坤爲輔，重坤，故曰相輔。坤伏乾，乾爲聖，震數三，故曰三聖。坤爲事。震爲翼，爲王，爲寵光。○王室，元本作不見。依宋本、汲古。

无妄

容民畜衆，履德有信。大人受福，童蒙憂惑，利無所得。

乾伏坤，坤爲民，爲衆，艮止，故容民畜衆。震爲履。乾爲德，爲信，爲大人，爲福。艮爲童蒙，伏坤爲憂惑。巽爲利，風散，故無得。

大畜

左跌右僵，前蹢觸桑。其指據石，傷其弟兄。老蠶不作，家無織帛。貴貨賤身，留連久客。



中爻震爲左，兌爲右，兌毀折，故左跌右僵。乾爲前，兌折，故前躓。震爲桑，在前，故觸桑。艮爲指，爲石。震爲兄，艮爲弟，兌折，故傷其弟兄。卦通萃。萃中爻巽爲蠶，坤爲老。兌毀，故不作蠶。艮爲家，坤爲帛，巽爲織。巽隕坎失，故無織。艮爲貴，坤爲財貨，爲身，爲賤，故曰貴貨賤身。艮爲留連，震爲客。○末句，宋、元本作久流連客。依汲古。

【補校】末句，宋、元、汲古諸本皆作久留連客。此依局本。

頤

昏人旦明，賣食老昌。國祚東表，號稱太公。

坤爲昏，震爲人，爲旦，艮爲明，故曰昏人旦明。言人由貧賤而富貴，如人處昏夜而忽遇旦明也。震爲食，爲商旅，故曰賣食。坤老，震昌，故曰老昌。言姜尚始賣飯朝歌，老而受封也。坤爲國，震爲東。震言爲號，爲稱。坤伏乾，乾爲父，爲太公。譙周云，呂望嘗屠牛於朝歌，賣飯於孟津。○旦，宋、元本作宜。依汲古。

大過

敝筍在梁，魴逸不禁。漁父勞苦，焦喉乾口，虛空無有。

通頤。坤爲敝，震爲筍，艮爲梁，故曰敝筍在梁。坤爲魚，震爲逸，故曰魴逸不禁。坤聚爲漁，伏乾爲父。坤役，故勞苦。震爲喉，爲口，艮火，故焦喉。乾口坤虛，故無有。○焦喉，宋、元本作藏空。無第五句。均依汲古。敝筍，齊詩篇名。齊人以莊公不能防閑文姜而作，故曰魴逸不禁。

坎

盛中後跌，衰老復掇。盈滿減毀，疾羸肥腴。鄭昭失國，重耳興立。



坎中滿，故曰盛中。坎陷，故跌。震爲後，故後跌。坎疾病，故衰老。艮手爲掇，坎破，故盈、毀。坎疾，故肥腩者羸。坎平，故曰鄭。釋名云，鄭，町也，地多平町町然也。艮爲昭，爲國。坎失，故曰鄭昭失國。習坎，故曰重耳。鄭昭被弑在桓十七年，晉文入國在僖二十四年，事不相涉，此但取卦象耳。○老，汲古作者。減作或。羸作羸。均依宋、元本。興，宋、元本作與。依汲古。

【補校】羸，諸本皆同。此謂汲古作羸者，未詳，謹紀以俟考。

離

折亡破甕，使我貧困。與母生分，別離異門。

伏震爲甕，中爻兌毀，故曰折，曰破。離虛，故貧。坎陷，故困。坤爲母，坤二五之乾成離，乾二五之坤成坎，坎中爻震，震生，故曰與母生分。言坎居坤中，使坤分析，所謂坎折坤也。坎中爻艮，艮爲門，正覆兩艮相反，故異門。亡，疑爲缶之訛字。

【補校】貧困，各本皆作困貧。茲以困與甕協韻，似頗切。惟未審所本，謹紀以備考。

咸

野有積庾，嗇人駕取。不逢狼虎，暮歸其宇。

通損。坤爲野，爲積，艮爲庾。震爲嗇人，爲駕，艮手爲取。艮爲虎狼，艮在外，故不逢。坤爲暮，艮爲宇^{〔1〕}，伏震爲歸。○虎與宇韻，宋、元本作虎狼，非。依汲古。

【補校】嗇，宋、元本作穡。依汲古。嗇、穡通。

恒

襁褓孩呱，冠帶成家。出門如賓，父母何憂。

〔1〕“艮爲宇”，刻本“宇”訛“守”。據稿本校改。



巽爲襁褓，兌爲孩，爲呱。乾爲冠，巽爲帶，伏艮爲家。成家，言由孩提而成立也。乾爲門，震出，震爲賓客，故曰出門如賓。乾爲父，伏坤爲母，坎爲憂。乾福震樂，故不憂。○呱，汲古作孤。依宋、元本。

大壯

陳力就列，官職並廢。手不勝盆，失其寵門。

通觀。震爲陳力，爲就列。孟子，陳力就列，不能者止。艮爲官職，艮伏，故並廢。艮爲手，震爲盆，坤弱，故不勝盆。乾爲寵，爲門，坤喪，故失。○並，汲古作無。依宋、元本。

晉

積雪大寒，萬物不生。陰制庶士，時本冬貧^{〔1〕}。

坎爲雪，爲積，爲寒。坤爲萬物，坤殺，故不生。坤爲陰，爲庶。艮爲時，坎爲冬，坤爲貧。庶士二字，必有訛。○冬，依宋、元本。汲古作寒。

明夷

龍鬪時門，失理傷賢。內畔生賊，自爲心疾。

震爲龍，爲門，爲時。坤爲鬪^{〔2〕}，故曰龍鬪時門。坤爲理，震爲賢，坎爲失，爲傷，故曰失理傷賢。坤爲內，離爲畔亂。震爲生。坎爲賊，爲心，爲疾。○時，汲古作海。依宋、元本。左傳昭十九年，龍鬪鄭時門外。

家人

〔1〕 “時本冬貧”，刻本“本”訛“木”。據稿本校改。

〔2〕 “坤爲鬪”，刻本“鬪”訛“門”。據稿本校改。



犬畏猛虎，依人爲輔。三夫執戟，伏不敢起，身安无咎。

此用遇卦遯象。艮爲犬，乾爲虎。伏震爲人，兌爲輔。震爲夫，數三，故曰三夫。艮爲執，爲戟。震爲起，巽伏，故不敢起。艮爲身，爲安。安故无咎。○犬，宋本作狗。汲古作不。依元本。猛，元本作狼。依宋本、汲古。戟，汲古作獸。依宋、元本。起，宋、元本作趨。依汲古。

【補校】犬，宋、元本皆作狗。依未濟之隨及翟本校。

睽

南山高岡，回隕難登。道路遼遠，行者無功。憂不成凶，惡亦消去。

此仍用遯象。艮山，納丙，故曰南山，曰高岡。巽進退不果，故曰回隕難登。艮爲道路，乾爲遼遠，爲行。巽隕，故無功。坤爲憂，爲惡。坤伏，故不凶，故消去。○岡^[1]，宋、元本作罍。路作里。均依汲古。

【補校】岡，汲古作崗。依蠱之兌校。成，從宋、元本。汲古作改。

蹇

逢時陽遂，富且尊貴^[2]。

艮爲時，陽居五，故遂，故富且貴。艮爲尊貴。

解

求我所欲，得其利福，終身不辱。盈盛之門，高屋先覆，君失邦國。

〔1〕 “岡”，稿本、刻本誤“崗”。據尚錄林詞校改。

〔2〕 “富且尊貴”，刻本“尊貴”二字誤倒。據稿本校改。